



Comuni di SANT'ANTONI DI GADDURA (Prov. SS)

UBBRICU DI ISCRIZIONI

ILL'ELENCHI DI LEVA

LU SINDACU

Vistu l'alt. 1932 di lu "Codice dell'arruolamento militare", approvatu cun D.Lgs. 15 malzu 2010, n. 66;

Vistu lu d.P.R. 15 malzu 2010, n. 90, arricanti: «Testo unico delle disposizioni regolamentari in materia di ordinamento militare, a norma dell'art. 14 della legge 28 novembre 2005, n. 246»;

RENDI NÒTITU:

1. - Tutti li zittadini di lu Statu e li furistéri chi, cu' l'arrolamentu ill'Esélzitu (o in altu modu previstu da la legggi innant'a la cittadinanza 5 di friaggju 1992, n. 91) lu poni divintà, chi in fra di l'annu currenti còmprini lu diciassettesimu annu d' etai e chi, a l'effetti di la leva, so cunsidarati legalmenti dumiziliati in chistu Comuni cunfolma a l'alticculu 1932 di lu supramintuatu dicretu legislativu n. 66/2010, so ubbricati a pricuntà da chinci a trenta dí, la so' iscrizioni ill'elenchi di leva e a fruní chjarimenti chi in chista occasioni potarani esse dummandati.

A lu mattessi ubbricu so sottuposti puru li residenti in chistu Comuni che no pussédini nisciuna cidadinàzia.

Siddu chi la dummanda no è fatta di passona da li ciòani supramintuati, so li genitóri o li tutóri chi àni l'ubbricu di falla.

2. - Li ciòani chi no so dumiziliati in chistu Comuni, ma chi notoriamenti stani chinci, cunfolma a l'alticculu 43 di lu códici civili, àni facultai di fassi iscríi in chisti elenchi di leva pa' muttíi di residenza.

In chistu casu la so dummanda è gala, pa' lu chi atteni a la leva, a la próa di cambiamentu di dumizíliu, cunfolma a l'alticculu infattu, 44, di lu mattessi códici civili.

3. - La pubblizzazioni di lu presenti manifestu à valóri d'avvisu d'avviu di lu pruzzidimentu di iscrizioni ill'elenchi di leva, cunfolma a l'alt. 1932, comma 3, di lu D.Lgs. n. 66/2010.

Lu presenti avvisu, sigundu la dispusizioni di l'alt. 32, comma 1, di la legggi 18 di l'ampata 2009, n. 69, è presenti puru illu situ Web istituzionali di chistu comuni.

Da la residènzia cumunali, la 1°dí di gjinnaggu 2022



LU SINDACU

F.tu Carlo Duilio Viti

D.Lgs. 15 malzu 2010, n. 66

Alt. 1932 - ISCRIZIONI ILL'ELENCHI DI LEVA

1. La 1° dí di dugn'annu lu Sindacu di dugna comuni, sendi ufficiali di guvelnu cunfolma a l'alticculi 14 e 54 di lu dicretu ligislativu 18 austu 2000, n. 267, cun appositu manifestu, rendi notitu:

a) Li ciòani maschi chi in chiss'annu còmprini lu diciassettesimu annu d'etai, àni lu dovéri di fassi insirí ill'elencu di leva di lu Comuni undi so legalmenti dumiziliati;

b) A li genitóri e tutóri di li ciòani di la littara a), l'ubbricu di cuidà di l'iscrizioni ill'elencu di leva.

2. L'infurmazioni innant'a l' obblighi di iscrizioni ill'elenchi di leva póni esse spalti da l'amministrazioni comunali, cun manifestu appositu o cu' alti mezi di divulgazioni addighenti

3. La divulgazioni di l'infurmazioni subbramintuati pal mezu di manifesti o altu mezi di divulgazioni addighenti so gali a l'avvisu di avviu di lu pruzzidimentu di iscrizioni ill'elenchi di leva.

Art. 1933 - DUMIZILIU LEGALI

1. Sò cunsidarati legalmenti dumiziliati illu comuni:

a) Li ciòani chi àni lu babbu, o, in ausenzia di lu babbu, la mamma o lu tutóri, chi aggja dumizíliu illu comuni, sibbè iddi stiani

inn'altu locu, siano ausenti, ispatriati, emanzipati, ditinuti o fiddóli di di un espatriatu, o di un militari in silviziu effettivu o prisgiunéri di guerra che aggja autu l'ultimu dumizíliu illu comuni;

b) (littara cussí curriggjuta da cuminatu 30 di capidanni 2010) li ciòani cujuati, chi àni lu babbu, o, in ausenzia di lu babbu, la mamma, cu' lu dumizíliu illu comuni, francatu che gjustifichiggjini d'ae dumizíliu legali in un altu comuni;

c) (littara cussí curriggjuta da cuminatu 30 di capidanni 2010) li ciòani cujuati dumiziliati illu comuni sibbè lu babbu o, in ausenzia di chistu, la mamma, aggja dumizíliu in altu locu

d) Li ciòani nati, dumiziliati o alluggjanti illu comuni, chi siani chena babbu, mamma o tutóri;

e) Li ciòani nati o residenti illu comuni chi, no sendi inghittati in nisciunu di li casi di li littari da a) a d), no gjustifichiggjani la só iscrizioni in altu comuni.

2. A l'effetti di l'iscrizioni ill'elenchi di leva è cunsidaratou dumizíliu legali di lu ciòanu natu o alluggjanti a l'èsteru lu comuni undi iddu o la só familia sò dumiziliati a ultimu illu territoriu di la Repubblica; o sia, candu chistu no sia pussibbili di prizzisà, lu comuni inghittatu da lu ciòanu; o sia, in ausenzia di ingjittu, lu comuni di Roma.